



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

DLXXV. Elisabeth Erxleben sifftet für die Armen des Elisabeth-Hospitales in Salzwedel zwei Mal im Jahre ein Bad mit Vertheilung von Bier und Kringeln, am 3. april 1510.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

fulueft nicht belefet, fo ſchal he deme officianten vnde befefer alle Jare gheuen Toes marck penninghe. Oft ock de preftere de fuluen Commenden nicht befefer konde van rechten nofaken edder anderen kranckheiden, So mach he vnde ſchal dar voer fyn vnde wesen, dat to der Commenden tytliken de miſſen holden werden. Vurder ſchal de Commendiſta vthe den Renthen van der Commenden kamende vppe den vorfallenden dach gnanten heren Johans, fundatoris, deme kerckheren, Capellanen vnde allen anderen prefteren In Sunte katherinen kercken alle Jare gheuen to Ener ewyghen memorien vervndetwyntich ſchillinghe penninghe, holdende myt den collecten, wo bauen berordt, tor zelemiffen vnde ſingghende den tractum dies illa dies ire etc. Eneme tytliken prefter Eynen ſchillinge. Ofte der preftere mber worde In na tyden, mach he de distributien dar na ryngheren. Weret ock, dat de prefter meynigher were vnde nicht alle vervndetwintich ſchillinge deylede, de bate ſchal wesen des Commendiſten. Alle duſſe vorgerorden ſtucke vnde articule In ewygher dechniſſe vnde bliuender beſtendicheyt to holdende, vppe dat de fulue Commende tytliken vorlenet, vorwaret, beſchermet vnde befefer werde, Schal de Commendiſta, de tor tyt duſſe Commenden beſyt, dem Erlamen Rade Jarlik gheuen Achte ſchillinge penninghe to vinalia. Desses to feker vorwaringhe vnde groterer bekantniſſe hebben wy Borgermeſtere vnde Rathmanne vor vns vnde vnſe nakamelinghen vnſer Nigen Stadt Soltwedel Inghefegele witliken vnde endrachtigen henghen heten nedden an duſſen breff. Gheuen na Criſti geborth veſteynhundert vnde neghenden Jare, Ame auende der borth criſti vnſes heren.

Nach dem Originale des Salz. Archives XXX, 2.

DLXXV. Elifabeth Erleben ſtiftet für die Armen des Elifabeth-Hospitals in Salzwedel zwei Mal im Jahre ein Bad mit Vertheilung von Bier und Kringeln, am 3. April 1510.

Wie Borgermeſter vnd Radmann der oldenſtad to Soltwedel Bokennen apenbar mit duſſem breue tugende voralfwem, dat In vnſer iegenwardicheit Bernt levyn vnnnd Clawes gerkens, varſtender der kercken vnd Armen ſekenhufes to Sunte Ilſeben, hebben vorkoſt recht vnnnd redeliken to eynem Ewigen Erfkope vnnnd vorkopen iegenwardigen, In vnnnd mit Craft duſſes breues, In, up vnnnd an der benomden kercken vnnnd Armenſekenhufes upkameden iarliken pechten, renten, tiſen vnd allen anderen upkamedenn gudernn Twe marck penninge iarliker rente der Stad weringe der dogetzamen fruwen Ilſeben, nagelaten wedewe zeligen Clawes erckfellen, vor eynen gnanten Summen geldes, den de gnante wedewe upgnanten varſtenderenn wol vornuget, togetalt vnnnd botalet heft. Vor fodane Twe marck penninge iarliker rente willen vnnnd ſchollen de bonomden varſtenderenn vnnnd ore nakamelinge to ewigen tiden al den Armen des gedachten Sekenhufes al iarlikes up den mandach in der ſtillen weken ofte na palm in der hilgen vaſten eyn bath boreiden laten tobadende vnd iewelkem ſeken vnnnd krancken mynſchen In dem bade ofte na vor Twe penning ber vnd eyne kringel vam ſterfe geuen vnd ſunder Inſperringe wol entrichten; vnnnd oft den bauen dar van den twen marcken iarliker renten tolepe vnnnd ouerbleue, dar var ſchal me den ſulſten Armen wiſckwerck kopen vnnnd gelick deilen vnd geuen vnnnd dat fodane iarlike ewige vnſtraflike bath In tokamenden tiden van den gnanten varſtenderenn vnnnd

ornn nakamelingen sonder Insperringe vnd Jennich wedderwille to ewigen tiden wol moge entricht vnd gehalten werden, des alle to groter bokantnisse vnd merer vorfekeringe der wissenheit hebben wy vnser der Stat Secret wtliken heten hangen nedden an dussen bress, Na Cristi vnser hern gebort vffsteienhundert Jar vnd dar na Im Teyden Jare, middewecken In den hilgen osterenn.

Nach dem Originale des Salz. Archives XXXVI, 7.

DLXXVI. Der Rath zu Saltwedel beurfundet das Testament Heinrich Wickenbergs und dessen Stiftungen, am 16. August 1510.

Wy borgermeyster vnde Rathmanne der olden Stadt Soltwedel Bekennen vnde bethugen apenbare In dessem breue vor alle die jennen, de en seen, horen edder lesen, dat In vnser Jegenwardycheyt de vorfychtyghe Hynryck Wykenberch, So eyn ffry Sasse, woll walz he an synem lycham kranck, jodoch van der gnade gades vornufftych, redelych vnde klock van synne, hefft ghesetzeth synen latesten wyllen, Testament effie szelgherede vnde vnz des eyne szedel, dar Inne he fodann latesten wyllen, Testament effie szelgherede hadde vor theken laten, gheteged vnde vppgheantwordet, stede, vaste vnde vnuorbraken In macht tho holdende vnde tho blyuende, welck szedel van worden tho worden ludende vnde medebryngende is, szo hyr nha volget. In dem namen gades Amen. So nycht wyllers, wen de doth vnde aller vnwyffest, wan de stunde des dodes, dar vmme ick Hynrick Wykenberch, Hanszes szelyger szone, betrachte vnde neme tho berten vnde synne, Dat nen mynsche In dessem Jammerdale dem naturlyken dode enthgan moghe etc. den der vorwyffesten stunde mit ordenynghe eynes Testamentes, lasten wyllen effie szelgherede vorthokamende, habe ick, vpp dat myner nagelaten guder haluen nha mynem dode neyn vppror edder wedderwille moge Irwassen, myn Testament vnde lasten wyllen effie szelgherede ghesath, welck ick ock Jegenwardygen vor Jw, Erfamen, wolwyfen heren borgermeyster vnde Rathmann der olden stadt tho Soltwedell, So eyn fryg Sasse, sette vnde condere, In crafft vnde macht desser schryffte, wo ik dat In der besten wyse, form vnde ghestalt des Rechten don schall vnde mach, alle hyr na beschreuen. Int erste vnde bauen alle bouele ick myne arme szele gade deme almechtygen, mynem schepper, vnde dem vorbyddende marien, der moder ihesu cristi, mynem apostell vnde dem gantzen hemmelschen here vnde mynen lycham na christlyger wanheyt In de kercken vnser leuen frowen tho bestedygende. Gheue en vnde assignere dar nha, dat myne Testamentarien twe spenden vor myck vnde mynen broderen hanze, gotzelyger, de eyne des dages wen ik noch bauen erden vnbeграuen sta, vnde de anderen szo see erst konnen, myth brodt vnde speck den armen luden vnstrafflyck geuen schollen vnde de vier weken myt der Jar tydt vnde andernn milden ghedechnyssen ock na wanlyker wyse tho holdende vnde tho entrychtende. Dar na geue ick tho dem buwethe vnser leuen frowen kercken XX merck pennyng soltwedelscher werynghe vnde In allen andern kercken bynnen vnde hart vor Soltwedell Ichlycher kercken effie gadeshusze eynen Rynschen gulden an munthe. Item geue ock, beltedyge vnde ordynere tho geuende veer hunderth marck pennyng Soltwedelscher werynghe, als eyn hundert Rynsche gulden an myner houen vnde vertych rynsche gulden an mynen beyden kampen vnde dat nhasteinde vth